

Bygdemøte og årsmøte Imsland Grendautval

Tid: 14.02.23. kl. 19.00.

Sted: Imsland Bygdahus.

- Opning ved styreleiar.
- Informasjon om prosjektet Gode VIB`ar.
- Ordførar Ole Johan Vierdal fortel om saker som er aktuelle for oss som Vindafjordingar og Imslandsbu.
- Årsmøte.

Saker til behandling for årsmøte er som følger:

1. Godkjenning av innkalling og sakliste
2. Val av møteleiar
3. Val av referent
4. Val av to stemmerettmessige til å underskrive protokollen saman med møteleiaren
5. Styrets årsmelding
 - Vedlegg 1.
6. Rekneskap
 - Tilgjengeleg på årsmøte eller ved forespørsel.
7. Orientering om aktuelle saker
 - Styreleiar orienterer.
8. Saker:
 - Vedtektsendringar. Vedlegg 2.
 - Eksisterande vedtekter. Vedlegg 3.
9. Val av styremedlemmer og varamedlemmer
 - 3. stk. styremedlemmer.
 - 3. stk. varamedlemmer.
10. Val av revisor
 - 1. stk.

Avslutning ved styreleiar.

Årsmelding Imsland Grendautval 2022

Då kan me sjå tilbake på eit år som ikkje har vore prega av korona og 2022 har vore eit innhaldsrikt år for Grendeutvalet i Imsland.

Gjennom året har me hatt i alt 8 styre- og planleggingsmøte.

Ved årsmøtet i februar gjekk Liv Iren Eimstad, Helene Skulerud og Monica Vanvik ut av styret. Inn kom Gudrun Margrete Dyrseth, Liva Imsland og Nina Rønnevik. Gudrun Margrete gjekk inn som leiar, Odd Gunnar som nestleiar, Lena som sekretær, Rune som kasserar, Nina og Liva som styremedlem.

Etter årsmøtet hadde grendeutvalet møte med FAU angåande barnehage- og skulebruksplanen. Me planla då eit bygdemøte for å samle folket i bygda og for å høyre deira meiningar. Det var eit godt oppmøte på dette møtet.

Det ble i ettertid danna ei gruppe beståande av Grendautvalet, FAU og andre ressurspersonar for å finne gode løysingar på å få fram bygda sitt syn på kva dei meinte om innstillinga til kommunedirektøren og kva det ville ha å seie for oss som innbyggjarar og bygda vår.

Kort tid etter arrangerte kommunen bygdemøtet angåande same tema, enda betre var oppmøtet denne gong. Det viser at det er eit tema som engasjerer. Grendeutvalet fortsette kampen saman med bygdefolket og i godt samarbeid med Vikebygd og Bjoa, men også med stor støtte frå andre bygder i kommunen. Me møtte bl.a. opp på rådhuset i Ølen med plakatar for å vise vår motstand til innstillinga til rådmannen. Me arrangerte også vardebrenning saman med FAU og skreiv høyringsinnspeil til barnehage- og skulebruksplan.

Det gjekk ikkje berre i barnehage- og skulebruksplan. I april arrangerte me påskeeggjakt i bygda. Påskeharen hadde lagt 3 påskeegg rundt i bygda, der alle som ville kunne vera med på. Vinnaren av eggja vart trekt på loppemarknaden som blei arrangert i påsken. Det var kanskje mindre lopper til loppemarknad, enn tidlegare, men elles godt oppmøte. Inntektene blei nokre lågare enn tidlegare år sidan me valte å la 4H ha kaffi og kakeslag.

I mai planta me i blomsterkassene i bygda ved hjelp av midlar frå Vindafjord kommune.

I juni fekk me endeleg svar på kva politikarene kom fram til under barnehage- og skulebruksplanen, og me blei svært glade for resultatet med at me fekk behalde både skule og barnehage.

Etter ein god sommarferie kom ein rolegare haust der me byrja med å planleggje julegrantenning. Før denne klarte me og å få til eit møte med fokus på mangfald og inkludering som var ope for alle innbyggjarane.

Julegrantenninga var eit utruleg kjekt arrangement med flotte utstillalarar og godt oppmøte frå bygda! Me selde graut, kaker, kaffi og lodd. Fleire av elevane ved Imsland skule selde lodd for oss. Me fekk sponsa mykje flotte gevinstar frå ulike bedrifter i bygda, det er me takksame for.

I løpet av året gjekk også prosjektet Gode VIB`ar som Imsland, ved Gudrun Margrete og Sølvi har vært en del av sidan 2021, over i ein ny fase. Prosjektet er eit samarbeid mellom Vikebygd, Imsland og Bjoa (VIB) og vidare samarbeid saman med Vindafjord kommune og Rogaland Fylkeskommune. I løpet av hausten vart det etablert tri grupper med fokus på: bu, oppleveling og næring for dei tri involverte bygdene. Kvar bygd som er med i prosjektet har i dag 2 medlemmar, og varamedlemmer.

Forslag til nye Vedtekter for Imsland Grendautval

Stifta 1993

(Revidert og vedtatt ved årsmøte 14. februar 2023.)

1. Imsland Grendautval er eit utval for å representere innbyggjarane i bygda, Imsland.

2. Formål

Imsland Grendautval skal

- vere eit bindeledd mellom alle innbyggjarane i bygda og Vindafjord kommune.
- arbeida for å få til ei levande og god bygd å bu i og tek difor opp saker som er av allmennytting interesse for bygda. Alle kan koma med innspel om saker.
- Være høyringsinstans i saker som særleg vedkjem Imsland.

3. Årsmøte

Årsmøtet er Grendautvalets øvste myndighet. Det er opent for alle med fast bustadadresse i Imsland. Kvar innbygger som oppfyller kriteriet til å delta på årsmøte, og er over 16 år, har ei stemme. Alle saker, med unntak av vedtektsendringar, avgjérds med alminneleg fleirtal av dei møtande. I tilfelle stemmelikskap avgjérds saka ved loddtrekning

- a) Årsmøte blir halde innan utgangen av februar kvart år. Tid og stad blir fastsett av styret.
- b) Årsmøte blir annonsert på Imsland si heimeside - www.imsland.info og Imsland Grendautvals Facebook side, seinast 4 veker før møte
- c) Innkomande saker skal sendes styret seinast 2 veker før årsmøte.
- d) Saksliste publiserast på www.imsland.info og Imsland Grendautvals Facebook side seinast 1 uke før.
- e) Ekstraordinært årsmøte kan innkallast av leiaren når styret eller minst 1/3 av stemmerettmessige forlanger det. Innkalling med saksliste skjer med minst 14 dagars varsel.

4. Årsmøtes oppgåver

I ordinært årsmøte handsamast:

1. Godkjenning av innkalling og sakliste
2. Val av møteleiar
3. Val av referent
4. Val av to stemmerettmessige til å underskrive protokollen saman med møteleiaren
5. Styrets årsmelding
6. Rekneskap
7. Orientering om aktuelle saker

8. Andre saker som er nemnt i innkallinga
9. Val av styrets leier
10. Val av styremedlemmer og varamedlemmer
11. Val av revisor

5. Styret

Styrets oppgåve: Arbeida etter vedtekter, årsmøtets avgjerd og fremma saker som er med på å skape trivsel og positiv utvikling i bygda.

- Styret har minst 5 medlemmer: 1 leiar og 4 styremedlemmer med følgjande funksjoner: Nestleiar, kasserar og sekretær. Det skal være 3 varamedlemmer i nummerorden til styret.
 - Leiar blir særskild vald og vald for 1 år.
 - Styremedlemmer blir valde for 2 år
 - Varamedlemmer blir valde, i nummerorden, for 1 år
 - Medlemmer og varamedlemmer skal oppfylle kriteriene for å delta på årsmøtet for å være valbare.
- Styret konstituerer seg i fyrste styremøte etter årsmøte og vel nestleiar, kasserar og sekretær.
- Styreleiar kallar inn til styremøte, når saken(e) trenger eit styrevedtak eller det er behov. Før møtet lages ei enkel saksliste til møtet.
- Varamedlem(mer) blir kalla inn til styremøte når styreleiar vurderer at det er behov for dette.
- I saker som krev avrøysting, har leiaren dobbelstemme ved stemmelikskap.
- Styret er vedtaksfør når leiar eller nestleiar, og to av dei andre medlemmene er til stede.
- Det blir skrive referat frå kvart styremøte. Referata blir sende til grennautvalets e-post og blir publisert på www.imsland.info, etter godkjenning.

6. Valordning

Det skal arbeidast for å sikre at styret er samansett av personar med ulikt kjønn og alder.

Val av styremedlemmer og leiar skal alltid skje skriftleg når det føreligger to eller fleire kandidatar. Når fleire blir valt ved same avstemming, reknast dei valde dei som har oppnådd flest stemmer. Ved stemmelikskap blir valet avgjort ved loddtrekning.

Årsmøtet veljar kvart år ein revisor. Revisor blir vald for 1 år.

7. Vedtektsendringar

Endring av vedtekter skjer i årsmøte eller ekstraordinært årsmøte. Det skal stå i innkallinga kva forslaget til endring går ut på. Til gyldig vedtak krevjast 2/3 stemmefleirtal blant de møtande.

Vedtekter for Imsland Grendautval

Vedtatt: tidspunkt er ukjent.

1. Imsland Grendautval vart stifta i 1993. Hadde en inaktiv periode fra 2005-2008.

2. Utvalet er eit bindeledd mellom alle innbyggjararene i bygda og kommunen.

Utvalet skal jobbe for å få ei levande og god bygd og bu i og tek derfor opp saker som er av allmennyttig interesse. Alle kan komma med innspell om saker. Utvalet er også høyringsinstans i saker som særleg vedkjem Imsland

3. Imsland Grendautval er samansatt slik.

Styret har 10 medlemmer - 1. leiar, 1. kasserar, 1. sekretær, 4. styremedlemmer og 3 varamenn. Valperioden er 2 år.

4. Årsmøte blir halde på nyåret kvart år

- a. Årsmøte blir annonsert ved plakatar og på Imsland si heimeside - www.imsland.info, seinat 2 veker før møte.
- b. I årsmøte tek styret opp saker som er innkomne eller som styret mener er viktige å ta opp eller saker til berre informasjon.
- c. Styret legg frem årsmøte og rekneskap som årsmøte skal godkjenne.
- d. **Val**

Eiga valnemnd tek seg av valet og legg frem instillinga si på årsmøte.

1. **Leiar:** blir særskild vald.
2. **Styremedlem:** blir vald samla (6 stk).
3. **Varamedlem:** 3 stk. (valde for 2 år)
4. **Revisor:** 1 person.
5. **Valnemd:** 2 medl. (valde for 3 år).

Styret konstituerer seg ved første styremøte og vel nestleiar, sekretær og kasserer.

6. Leiaren i Grendautavelet kaller inn til styremøte ved behov. Minimum 6 møter pr. år.

7. Styremøta:

- a. Leiari og sekretær lager saksliste og sender ut innkalling til møta.
- b. Det blir skreve referat frå kvart styremøte i møteboka til Grendautvalet.
- c. Ved lik avrøystning i saker så har leiaren dobbeltstemme.